



漢書門			
類	號	函	架
1	0	2	1
1	0	2	1

內閣文庫	
漢書	函架
1	0
1	0

內閣文庫	
番號	漢 13010
冊數	120 ( 40 )
函號	301 64



大  
部

肩  
疽

靈樞云發於肩及臑名曰疵癰其狀赤黑急治之此

令人汗出至足不害五臟癰發四五日逆熯之鬼

遺云下疽發兩肩惡血留結內外榮衛不通發成疔

疽五日腫大令人口噤寒戰十二日可刺不治二十

日死陳乾疽腫發起兩肩及兩大臂連胛骨二十七

日痛不息亦不可動五十日身熱不赤六十日可刺

刺之無血者死或問肩生疽何如曰此處手足

三陽交會之所名曰肩疽由風熱鬱結所致或因負

肩  
部

小  
部

一  
百  
三

重損傷而作服烏金散勝金丹活命飲加柴胡桔梗  
壯實者一粒金丹下之老弱者十全大補湯托之

○肩胛疽

或問肩胛內痛漸至潰爛成瘡何如曰此名太陰疽  
卽蓮子發屬手太陰肺經積熱所致宜活命飲加桔  
梗黃芪奪命丹勝金丹黃芪木香散選用壯實者八  
陣散一粒金丹下之赤色者可治青黑者不治喘嗽  
大渴曾滿脉微者死

○左右串

或問左右搭串何如曰左肩骨上生疽串於右者可

治右肩骨上生疽串於左者難治古有此說愚謂不  
然攻注左右者氣血不調陰陽交錯也宜勝金丹活  
命飲加羌活桔梗壯實者八陣散一粒金丹下之七  
惡證少何慮難痊元氣虛憊治之何補哉

○缺盆疽

或問一人年六十肩前陷中生疽寒熱大作飲食少  
進肩背拘急小水不利胸腹膨脹何如曰是名缺盆  
疽又名鎖骨疽屬足陽明胃經手少陽三焦經宜隔  
蒜灸先服紫金丹奪命丹而惡證退惟苦小水不利  
投以六一散而利後服十全大補湯而安若治之稍

緩必致潰爛是經少血多氣滄口不合危篤者多矣

○肩後疽

或問肩膊後骨上生疽何如曰此名上鼠疽即上搭也怒氣積鬱所致屬太陽兼少陽經初覺宜隔蒜灸活命飲加羌活桔梗柴胡勝金丹紫金丹奪命丹選用既潰十全大補湯黃芪木香散人參養榮湯

○過肩疽

或問肩後來脊兩邊腫硬疼痛何如曰此名筋疽亦名過肩疽初得寒熱似瘧但腫硬無頭急隔蒜灸服活命飲加羌活勝金丹奪命丹汗之壯實者一粒金

丹萬病解毒丹選用

○疽癰癰

或問項腋兩乳旁結核或兩胯軟肉處生腫塊何如曰是名疽癰癰屬手少陽三焦經其發緩慢是冷證非熱證也宜用回陽玉龍膏執藥敷貼服內補十宜散何首烏散勝金丹選用

○腋發

靈樞云發于腋下赤堅者名曰米疽治之以砭石欲細而長疎砭之塗以豕膏六日已勿裹之其癰堅而不潰者為馬刀挾癰急治之鬼遺云內攻疽發兩

腋下及臂并兩手掌中振寒熱血溢乾飲多即嘔煩  
心悁悁脉盛六七八日診如此可汗不汗死

○夾肢癱

或問肩膊下隙内生疽何如曰是名夾肢癱屬手少  
陰心經手厥陰心包絡風熱所致宜服內托黃芪柴  
胡湯壯實者八陣散一粒金丹下之及紫金丹勝金  
丹選用老弱者黃芪木香散人參養榮湯十全大補  
湯主之

△臂部 七

○臂癱

鬼遺云垂臂兩處發接骨下臂驚上起如雞鴨卵大  
皆由榮衛不調所為也喜患實處而不透內亦宜急  
消或發穴早療 兩臂肘起在接骨下引手至小骨  
之上發癱瘡此處雖實柰連大小筋骨舉動不便垂  
手多墜疼如膿深沉徹骨即傷筋脉牽縮不舒搗撮  
宜急以緩慢筋脉藥餌治之 玄機云在臂外為癱  
在臂內為魚肚發在臂上節腫連肩髃為臂風毒宜  
活命飲加羌活獨活桂枝桔梗水酒各半煎服及奪

臂部 臂癱

命丹紫金丹勝金丹選用壯實有裏證者一粒金丹  
八陣散下之若漫腫無頭服敗毒之藥不能消者宜  
十全大補湯加桂枝桔梗托之有嘔吐而數日不食  
者潰出膿則愈

**治驗**一人年將六十五月患右臂膊腫盛上至肩下  
至手指色變皮膚涼六脉沉細而微此脉證俱寒乃  
附骨癰也開發已遲以燔針啓之膿清稀解次日肘  
下再開之加吃逆不絕與丁香柿蒂散兩服稍緩次  
日吃逆尤甚自利臍腹冷痛腹滿食減時發昏憤灸  
左乳下黑盡處二十七壯又處托裡温中湯一兩半與

服或曰諸痛瘡瘍皆屬心火又時當盛暑而月晝附  
可乎予曰經云脉細皮寒瀉利前後飲食不入是為  
五虛况吃逆胃中虛寒此證內外相反須當捨時從  
證遂投之諸證悉去飲食倍進瘡勢温膿色正復用  
五香湯數服月餘而愈機按此證多屬虛寒此方專  
以補其虛蓋因吃逆腹滿乃氣鬱壅也想必其人  
年雖老脉證雖虛而形體頗實非陰虛吃逆比  
一揮使臂腫一塊不痛不赤脉弱懶食時嘔以六君  
子加藿香酒炒芍藥嘔止食進再以八珍湯二十餘  
劑膿成刺之又以十全大補湯而愈次年傷寒後臂  
復腫微痛乃傷寒餘毒也然無表證但虛弱耳先用

十宣散四劑取參芪芎歸扶助元氣防風桔梗白芷  
厚朴行散腫結肉桂引經破血腫退三四再用八珍  
湯膿潰而愈至冬臂復作痛因服祛風藥反筋攣痛  
甚此血虛不能養筋筋虛不能束骨用加味十全大  
補湯百貼而愈 一女臂患腫潰久不斂寒熱交作  
五心煩熱飲食少思月水不通以逍遙散月餘少可  
更服六珍湯加丹皮香附又月餘經通再加黃芪白  
斂兩月餘而愈 一人臂腫患毒作痛服寒涼藥食  
少大便不實予用理中丸二服更以六君子加砂仁  
藿香再以托裏膿潰而愈 凡瘡痛甚者若真厚有

近五十年左膊外側紅腫如粟予曰勿輕視得獨參湯  
數斤乃佳數貼而止旬餘值大風拔米瘡上起一紅  
線繞背抵右肋與大料人參湯加芎木補劑兩月而  
安 一婦臂痛筋攣不能屈伸遇寒則劇脉緊細此  
良甫所謂肝氣虛為風寒流于血脉經絡搏于筋筋  
不榮則乾急為痛先用舒筋湯次用四物湯加牡丹  
皮澤蘭白朮而愈亦有臂痛不能舉或轉左右作痛  
由中腕伏痰脾氣滯不行宜茯苓丸或控涎丹治之  
一人手臂結核如粟延至頸項狀似瘰癧此風濕  
流注用加减小續命湯及獨活寄生湯更以托裏藥

臂部 臂癰 小續命湯

倍加參芪歸木百貼而愈機按此條有證無脈認作風濕流注而治當時必有

解毒丸搽神功散而消此條證脈不詳嘗治臂毒便

閉煩躁服五福化毒丹亦效若膿成急刺用紙燃蘸

麻油維瘡內以膏藥貼之若兒安靜不必服藥候有

膿取去仍用絛貼一人臂患疽脈數飲槐花酒一

服勢頓退再與金銀花黃芪甘草十餘服而平槐花

熱之功最為神速尹老家貧形志皆苦自幼頽疝

孟冬于手陽明太腸經分出癰第四日稠膿臂外皆

腫痛在手陽明左右經中其脈俱弦按之洪暖有力

此得自八風之變以脈斷之邪氣在表飲食如常太

小便如故腹中和口知味知不在裏也不惡風寒只

熱躁脈不浮知不在表也表裏既和邪在經脈之中

故曰疑于血脈為癰是也癰出身半已上故風從上

受因知為八風之變而瘡只在經脈之中法當却寒

調和經脈中血氣使無疑滯可愈矣宜以白芷升麻

湯機按此方舉一身而言故陽明為一身之中若以

不痛膿稀脈弱丹溪曰疽潰深而不痛者胃氣大虛

不知痛也東垣曰膿水清稀瘡口不合氣血俱虛也



理宜大補彼不聽服消毒藥氣血愈虛遂不救丹  
溪曰纔見腫痛叅之脉證倘有虛弱便與滋補氣血  
可保終吉又曰潰瘍內外皆虛補接為主茲則見善  
不從自用已智寧免死乎一人年逾四十臂患毒  
焮痛作嘔服托裏消毒藥愈盛予用涼膈散二劑頓  
退更以四物湯加芩連四劑而消機按此所謂腫瘍  
熱毒攻心而作嘔  
也一人兩臂腫痛服托裏藥日盛予謂腫屬濕痛  
屬火此濕熱流注經絡也用人參敗毒散加威靈仙  
酒炒黃芩南星數劑漸愈更以四物湯加蒼朮黃藥  
桔梗二十餘劑而消按此托裏藥日盛  
故改作濕熱治也 尚書左

右砍爛入些醋温塗敷患處

赤葛膏 治病藕節及臂臑腕掌等處結毒

赤葛根皮 山布瓜根 山蘇木

山樟根皮 紫金皮 赤牛膝

赤芍根 赤毛桃根

右用皮砍爛糟炒敷塗患處

敷病肌石輪藥

山樟子葉

右砍爛糟炒縛之又用根煎酒服之

○臍癰 俗名病藕包

腫痛赤色惟肘節處差小故名藕包以

內外分陰陽俱如上法

泥油膏 治病藕包

塘泥 壹分 桐油 叁分

右和勻以鴨毛掃時時塗勿令乾

二瓜散 治病藕包

山布瓜根 天布瓜根

右砍爛入米醋少許和煖塗之

或問手臂陽明經分生癰初如粟米漸大如赤豆痛不可忍旬日大如胡桃枯紫色何如曰此名骨鯁疽

若毒遊遍身拘急發搐嘔噦不食冷汗自出滑泄煩躁脉亂者死犯房勞怒氣者死一人患此證一月之後遍身攻串口吐黃水穢氣滿室既而嘔吐膿血旬日而亡其人三四日尚進飲食人與沐浴扶起皮肉俱爛患者不信醫者不識以致隕身此由七情不和積怒積憂積熱所致真元虛敗不能勝邪故也縱有丸丹天命而已惟智者防患於未然急服黃連消毒散勝金丹烏金散活命飲加羌活選用治之稍緩七惡證多者必死也 按此證發之暴死之速乃陰虛極而火獨光之故前藥不滋化源而揚湯止沸其

瘡部 用瘡 外科三

能濟乎

人謂之受毒而發者... 毒清則金丹... 命丹... 宜大補之劑... 柿根膏... 治蜘蛛背... 凡人患此症者... 宜早服此藥... 勿失良機... 此藥之效... 誠不可言... 凡患此症者... 宜早服此藥... 勿失良機... 此藥之效... 誠不可言...

手部

○手發背 俗名蜘蛛背

鬼遺云兩手背發癰疽初生如水刺無頭腦頑然滿  
手背腫滿後聚毒成瘡深入至骨而為發手背此屬  
五種皆發毒之類也 手背腫毒乃三陽經風熱鬱  
滯而發宜服活命飲加芩連山梔桔梗升麻寒加桂  
枝熱加薑黃水酒煎服有表證者紫金丹烏金散奪  
命丹汗之有裏證者一粒金丹八陣散下之老弱者  
宜大補之劑

柿根膏 治蜘蛛背

手背

小科三

百三

紫背草 狐柿子根皮

右砍爛糟炒縛之又方加岩松子或單用亦可

○手心毒

手心結毒焮赤腫痛俗名病穿掌又名穿窟天蛇又名貧子孟若偏於掌邊者名穿邊天蛇又名穿埂天蛇此手厥陰心胞絡積熱所致初宜隔蒜灸之以泄其毒服活命飲加桂枝薑黃實者量表裏為汗下於紫金丹奪命丹烏金散一粒金丹選用既潰參芪大劑補之

蜈蚣散 治病穿掌

穿山蜈蚣

花心蜈蚣

背子蜈蚣

山蘇木

飛天蜈蚣

金頭蜈蚣

酒罈子根

赤牛膝

臭不待根

紫背草

紫金藤

右酒煎服不飲酒人水煎入少酒和服又用過路

蜈蚣溪女葉煎水浸洗

又方

穿山蜈蚣

雞屎子

金腦香

紫金藤

右水煎入酒和服

敷穿掌穿板藥

外科

小科三

百九

仙人掌根

雞屎根皮

赤葛根皮

葛合根

山布瓜根

背子蜈蚣

山樟根皮

赤牛膝

落鴉鎗根

天布瓜根

山枇杷根皮

紫河車

紫金皮

右搗爛入醋少許和塗患處

又方

仙人掌根磨米醋煖塗傳又用藜蘆子煎醋薰又

用零香子煎水浸洗

浸洗方

石楠藤

赤牛膝

赤麻蕒

八角茴香

赤薺子

九節香

豬屎蘇

穿山蜈蚣

鉄菱角

含笑葉

鉄梗子

落鴉鎗

山蓼葉

右煎水薰浸淋洗之

潰爛者用搽末

舊飯管燒存性為末和油掃患處次搽末或用生

肌散亦大効飯管要用農家者取其日日貯飯

藏氣者効

○虎口疽

虎口結毒焮赤腫痛名合谷疽又名丫刺毒又名臂

蟹毒又名手又發又名病蟹又此手陽明太腸經風熱積毒之所致也初覺宜隔蒜灸之服活命飲加桂枝薑黃桔梗升麻水酒煎服壯實者量表裏為汗下老弱者十全大補湯十宣散托裏散中選用 五指又處結毒焮腫者俗名鴉文 草靈散 治病蠲又

解艾草

又名解艾穢

右砍爛酒炒縛之

又方

山馬稍根皮砍爛糟炒縛之

又方

宿地薤白根葉砍爛酒炒縛之

又方

楸子葉砍爛糟炒縛之又以小葉淨瓶子煎

水熏洗亦効

又方

碌礪草葉砍爛酒炒縛之又以梗煎水浸洗

落鴉鎗散

治鴉文

落鴉鎗

大金錢

羊蹄菜

水楊柳根

右砍爛糟炒縛之

又方

落鴉鎗

紫金皮

山布瓜根

天布瓜根

右砍爛糟炒縛之

又方

落鴉鎗根搗爛糟炒縛之

又方

落鴉鎗根天布瓜根砍爛糟炒縛之

手部

小斗三

百集

○腕癱

手屈之處結毒焮赤為手屈發俗名手牛押屈此手  
三陰經風熱聚毒之所致也治法同前一人年四  
十手腕生疽面目手臂俱浮腫飲食全不進者七日  
矣惟飲水數升神思昏憤小便不利時值盛暑穢氣  
逼人惡證屢見不應用藥姑以玉樞丹加蟾酥塗之  
出蛆合許膿升許惡證悉退補養而痊

紫金牛皮

赤葛根皮

赤毛桃根

焮痛者

紫金牛膝散

治手半押屈及脚上一切腫毒堆核

山布瓜根

赤牛膝

魚桐根皮

天布瓜根

落鴉鎗根

右砍爛糟炒執縛患處

又方

魚桐皮根

落鴉鎗根

紫金牛皮

右砍爛糟炒縛之

又方

落鴉鎗

葛合根

馬藍草

天布瓜

山蘇木

紫金牛皮

赤毛桃

赤牛膝

芙蓉葉

山布瓜

赤葛根

魚桐根

李子根

右搗爛糟炒縛之灸不退加山樟子葉及根皮

○手大指疽

手大指頭發小點如粟漸大如豆或如桃李或青或紫乍黃乍黑乍白或痒或麻木不痛或太痛徹心此各調疽屬手太陰肺經積毒毒盛者宜截去之四日刺得血膿者生得黑血者死急服烏金散紫金丹汗之壯實者一粒金丹下之毒氣攻心嘔吐不食膨脹者死齒縫出血者死一人患此色黑不痛其指已

死令斬去之速服補藥恐黑上臂不治彼不信另服敗毒藥手竟黑遂不救

○天蛇頭

手中指頭結毒焮赤腫痛或不拘名天蛇頭若有膿裂開有口唇如蛇頭狀是以名焉屬手厥陰心包絡積熱所致宜服活命飲加柴胡羌活桔梗黃連消毒飲紫金丹烏金散選用雖黑色頑麻潰爛脫指者亦不死

丹溪云蒲公英草清明時節如薺菜狀中開一朶花如菊花者取乾與蒼耳艸二味等分為末以好醋濃



煎浸洗即愈

蒲公英忍冬酒治天蛇頭極効累驗見乳癰

世治天蛇頭蒲公英搗細水和調去查服之又搗查

盒患處累効

治天蛇頭用野落蘇即兼絲子金銀花藤天蕎麥

右細切用好米醋濃煎先薰後洗

又方用人糞雜黃泥搗之裹在患處即愈

拔毒散治毒瘡生於手指赤腫堅硬俗呼為發指

徹骨疼痛不可忍者

乳香少許研泥蜂窠壁間採研

右為末用醞醋調塗乾則以醋潤之痛立止

治惡指諺云天蛇頭

蜈蚣壹條火燒右以烟熏病指一二次即安

治蛇消腫散治蛇咬及蛇節疔蛇腹疔蛇頭疔蛇

背疔等證

蛇頭瓜天菰藤木虱藥

仙人薯土木香紫金藤

大小青右搗酒温服以查敷之

除瘡消痛散治蛇頭子及一切蝮蛇瘡

紫金藤又名開心草右搗酒服之以查敷患處大効

又方金腦香葉搗酒服以查敷之

又方蛇頭瓜草又名赤田蕒又名一麻二麻有三箇根即一麻有二箇根名一麻

右砍爛酒炒縛之

又方紫金鍾 六月雪 二味砍爛糟炒縛之

又方溪汝子葉 過路蜈蚣 砍爛糟炒縛之如

痛不止用雄黃末燒烟熏之不拘已成未成即尅取効或加蜈蚣等分亦妙

又方紫金鍾 到金鍾 野芋子 香附子

右砍爛糟炒縛之

又方井邊羊苳子砍爛糟炒縛之

又方山布瓜根磨醋刷以赤梗蜈蚣過路蜈蚣穿

山蜈蚣飛天蜈蚣煎水薰洗亦効

又方獨龍鬚根即六葉白榭根 砍爛糟炒敷之

地菡蓄散 治病蛇頭子

又耳環尻又名琉璃草又名花管草又名各地菡蓄

右搗酒服又以砍爛酒炒縛之

敷毒方 治蛇頭子一切蝮蛇瘡

地菡蓄

金腦香

紫河車

飛天蜈蚣

紫蜈蚣

金鳳尾

金雞舌 右砍爛酒炒縛之

又方 地蜈蚣葉 溪汝樹葉 砍爛冷縛之

又方 飛天蜈蚣葉 砍爛冷縛之

又方 金腦香葉 又名社茶 砍爛冷縛之

又方 雞卵壹枚開竅傾出以指時數浸之

又方 軟骨草 赤麻蕒 金盞草 耳環屍

又方 右砍爛鹽酒炒縛之

又方 山蓼葉 田麻蕒 地扁蓄 田螺

又方 右搗爛鹽酒炒縛之

又方 山布瓜根 金腦香葉

右搗爛酒炒縛之

浸毒散 治前證並効

毛藤子

石楠藤

鉄菱角

穿山蜈蚣

背子蜈蚣

赤麻蕒

金腦香

梭婆子根

飛天蜈蚣

赤梗過路蜈蚣

右煎水入此醋和煖浸洗

治蛇頭瘡 其形生時在手足上瘡傍一塊開如蛇

口之狀痛而流血不止者此藥治之

雄黃

蜈蚣

全蠍 各壹錢

右為細末看瘡濕劈開入藥擦在瘡上却以小油  
抹裁帛拴住如乾小油調搽

五指頭生疽名為敦疽係臟腑積熱治不可緩宜內  
疎黃連湯紫金丹烏金散及一粒金丹下之

○手指節發

手指節結毒焮赤腫痛又名病繭又名蛇節疔又名  
釘節天蛇又名病虵節治法與天蛇頭大同小異

金雞舌散 治病繭

金雞舌根磨酒服 或磨半泔半醋煖塗之  
又方 落鴉鎗根搗酒煖服以香敷患處

○代指

代指者先腫焮熱痛色不黯緣爪甲邊結膿劇者爪  
皆脫落但得一物冷藥汁搨漬之佳爪者筋之餘筋  
賴血養血熱甚注於指端故指腫熱結聚成膿甚則  
爪甲脫落此病類於指疽然無蘊毒故色不黯黑雖  
久亦不殺人 內服方聖濟總錄有漏蘆湯藍花湯  
中用漏蘆藍花升麻大黃黃芩玄參朴硝既無蘊毒  
何為用硝黃下藥輕病重治能無過乎故今不取  
升麻湯

升麻

甘草 各半兩

手部 女科三 百五

右細剉水貳升煎至壹升去滓下芒硝末半兩攪  
勻温浸指上數十遍冷即再煖以差為度 一方  
用梔子仁甘草各壹兩 一方單用甘草 一方  
單用芒硝 一方單用麻黃 並如上法煎浸  
千金治指痛欲脫用豬脂和鹽煮令消熱內指中一  
食久住 千金翼和乾薑 一方用醬汁 一方醬  
合蜜煎沸稍熱傳日五七上  
丹治手指忽腫痛名為代指以烏梅入醋研浸患處  
立瘥  
治手指腫酸漿水入少鹽熱浸之冷即易

八胃部九

○井疽

靈樞云發於胸名曰井疽其狀如大豆三四白起不  
早治下入腹不治七日死矣 或問心窩生疽何如  
曰此證初起如黃痘肉色不變名曰井疽又名穿心  
冷瘦若冷氣攻心精神恍惚嘔吐冷痰惡聞食臭毒  
氣內陷腹脹滿者不治若心躁如焚肌熱如火不時  
盜汗唇焦舌乾黃色渴飲冷水者是正候也急服活  
命飲加黃連桔梗勝金丹奪命丹汗之壯實者一粒  
金丹下之惡證多治稍遲多致顛危宜服犀角解毒

胃部 外科三 百五

九

○甘疽

靈樞云發於膺膺胸兩旁高處亦謂之臆名曰甘疽色青其狀如穀實瓜瓢常苦寒執急治之去其寒熱不急治十日死死後出膿

○臈中疽

或問心窩上兩乳間生疽何如曰此臈中發疽也蓋臈中為氣之海氣所居焉能分布陰陽若臟腑陰陽不和七情不平則發此證宜活命飲加紫蘇薄荷葉汗之奪命丹勝金丹紫金丹選用稍遲則潰爛惡症

多者難治

○脾發疽

或問心窩下旁生疽何如曰此名脾發疽毒由多食煎燻醉飽入房以致毒聚脾經而作活命飲加桔梗升麻紫金丹勝金丹汗之壯實者八陣散下之老弱者十全大補湯稍遲則潰傷脾膜膿如蟹沫者死服藥而嘔飲食不進者死

或問一人年三十曾前肋上堅硬如石者尺許寒熱大作飲食不進遍身疼痛煩躁不寧胃膈填脹何如曰凡在胸及胸之側或是肩前下延及脇形長如蛤

皆為馬刀瘡屬手少陽三焦經足陽明胃經手厥陰  
心包絡鬱火怒氣積痰所致宜灸宜汗攻補兼施則  
消宜服勝金丹烏金散壯實者一粒金丹下之活命  
飲加柴胡過時則潰爛徹骨久而不斂者死未潰而  
謔語神昏泄利嘔吐者不治

一夫人性剛多怒胸前作痛肉色不變脈數惡寒經  
曰洪數脈應發熱反惡寒瘡疽也今脈洪數則膿已  
成但體豐厚故色不變似乎無膿以痛極始肯針入  
數寸膿數椀以清肝消毒藥治之而愈設泥其色而  
不用針無可救之理 一人年踰四十胸患瘡成漏

日出膿椀許喜飲食如常用十全大補湯加遠志貝  
母白斂續斷灸以附子餅膿漸少調護歲餘而愈  
一少婦胸膈問潰一竅膿血與口中所欬相應而出  
以參芩當歸加退熱排膿等藥而愈或曰此因肺痿  
所致 一人胸腫一塊半載不消令灸百壯方潰服  
大補藥不斂灸附子餅而愈 一百姓胸患毒腫高  
焮赤發熱脈數大小便澁飲食如常齊氏曰腫起色  
赤寒熱疼痛皮膚壯熱頭目昏重氣血實也又曰木  
小便澁飲食如故腸滿膨脹胸膈痞悶肢節疼痛身  
熱脈大精神昏塞臟腑實也進黃連內疎湯二劑諸

證悉退更以荆防敗毒散加黃芩山梔四劑稍愈再  
以四物加芩連白芷桔梗甘草金銀花數劑而消此項治法雖因脈證皆實而用泄法然泄法又有先後次序先攻裏後發表最後又用和解前賢治病不肯孟浪如此學者可不以此為法哉

○乳癰乳巖

丹溪乳房陽明所經乳頭厥陰所屬乳子之母不知  
調養怒忿所逆鬱悶所遏厚味所釀以致厥陰之氣  
不行故竅不通而汁不得出陽明之血沸騰故熱甚  
而化膿亦有所乳之子膈有滯痰口氣熾熱含乳而  
睡熱氣所吹遂生結核於初起時便須忍痛揉令稍

軟吮令汗透自可消散失此不治必成癰癤治法踈  
厥陰之滯以青皮清陽明之熱細研石膏行汚濁之  
血以坐甘草節消腫導毒以瓜蒌實或加沒藥青橘  
葉皂角針金銀花當歸頭或湯或散加減隨意消息  
然須以少酒佐之若加以艾火兩三壯於腫處其効  
尤捷彼村工喜於自銜便妄用針刀引惹拙病良可  
哀憫若夫不得於夫不得於舅姑憂怒鬱遏時日積  
累脾氣消沮肝氣橫逆遂成隱核如鼈棋子不痛不  
痒十數年後方為瘡陷名曰妬巖以其瘡形嵌凹似  
巖穴也不可治矣若於始生之際便能消釋病根使



心清神安然後施之治法亦有可安之理予族姪婦年十八歲時曾得此察其形脉稍實但性急躁伉儷自諧所難者後姑耳遂以單方青皮湯間以加減四物湯行經絡之劑兩月而安此病多因厚味濕熱之痰停蓄膈間與滯乳相搏而成又有滯乳因兒口氣吹嘘而成又有拗怒氣激滯而生者煨石膏燒樺皮瓜蒌實甘草節青皮皆神效藥也婦人此病若早治之便可立消有月經時悉是輕病五六十後無月經時不可輕易看也薛男子房勞恚傷於肝腎婦人胎產憂鬱損於肝脾若炊痛寒熱當發散表邪

腫炊痛甚當清肝消毒並宜隔蒜灸不作膿或膿成不潰托裏散為主不收斂或膿清稀補脾胃為主若膿出反痛或作寒熱氣血虛也十全大補湯體倦口乾中氣虛也補中益氣湯晡熱內熱陰血虛也八珍湯加五味子欲嘔作嘔胃氣虛也香砂六君子湯食少作嘔胃氣虛寒也前湯加藿香食少泄瀉脾氣虛寒也前湯加炮黑乾薑若勞碌腫痛氣血未復也八珍珍湯倍用參苓歸朮若怒氣腫痛肝火傷血也八珍加柴胡山梔若肝火血虛而結核者四物湯加參朮柴胡升麻若肝脾氣血虛而結核者四君子加芎歸

柴胡升麻鬱結傷脾而結核者歸脾湯兼瓜蒌散若  
鬱怒傷肝脾而結核不痒不痛者名曰乳岩最難治  
療苟能戒七情遠厚味解鬱結養氣血亦可保全  
內托升麻湯治婦人兩乳間出黑頭瘡頂陷下作  
黑眼并乳癰初起者亦治

升麻

葛根

連翹

當歸身

黃蘗 各貳錢

黃芪 叁錢

牛蒡子

甘草 各壹錢

肉桂 伍分

右作一服水壹鍾酒半鍾煎至壹鍾食後服  
又方治婦人乳中結核

淨氣  
乳癰

升麻

連翹

甘草節

青皮 各貳錢

瓜蒌仁 叁錢

右作一服水貳鍾煎至壹鍾食後細細呷之

青皮

瓜蒌

橘葉

連翹

桃仁 留

皂角刺

甘艸節

如破多加參芪

神効瓜蒌散

治乳癰乳巖神効丹溪亦云妙捷恐

貧賤之家未能辦集者用後蒲公英尤妙

瓜蒌

壹枚去皮焙為末  
用子多者有力

生甘草

當歸 酒浸焙 各半兩 乳香 另研 沒藥 另研 各

右為末用無灰酒參升於銀石器內慢火熬取壹升清汁分作三服食後良久服如有妳巖便服此藥可杜絕病根如毒氣已成能化膿為黃水毒未成即於大小便中通利如疾甚再合服以退為度立効散與此方間服神妙但於瓜蒌散方減去當歸加紫色皂角刺壹兩陸錢是也

究原五物湯 癰疽發背乳癰通用

括蕒 研壹枚 皂角刺 半兩 帶生 沒藥 各半兩

乳香 各貳錢半 甘州 各貳錢半

右麤末以醇酒參升煎取貳升時時飲之痛不可忍立止

連翹飲子 治乳癰

連翹 川芎 瓜蒌

皂角針 橘葉 青皮

甘草節 桃仁 各貳錢

右作一服用水貳鍾煎至壹鍾食遠服 已破者加參芪當歸末破者加柴胡升麻 清肝解鬱湯 治肝經血虛風熱或肝經鬱火傷血乳內結核或為腫潰不愈凡肝膽經血氣不和之

胃部 小年三 治疔

症皆宜用此藥

人參 去蘆

茯苓

貝母 去心

山梔 炒

熟地黄

芍藥 各壹錢

白朮

當歸 各壹錢

柴胡

川芎

陳皮 各捌分

甘草 伍分

牡丹皮

右水煎服

復元通氣散

治婦人發乳癰疽及一切腫毒

木香

茴香

青皮

穿山甲

酥炙

陳皮

白芷

甘草

漏蘆

貝母 去心薑製

右為細末每服參錢好酒調下

消毒散

治吹乳乳癰并便毒如增寒壯熱或頭痛

者宜先服人參敗毒散一二服方可服此藥如無

前證即服此藥二三劑或腫不消宜服托裏藥

青皮 去白

金銀花

天花粉

柴胡

僵蠶 炒

貝母

當歸 酒拌

白芷 各貳錢

用水貳鍾煎至壹鍾食遠服如便毒加煨大黃壹

錢空心服

本草蒲公英草味甘平無毒主婦人乳癰腫水煎汁

飲之及封之立消

丹蒲公英在處田間路側有之三四月開黃花似菊味甘解毒散滯意其可入陽明太陰經洗淨細研以忍冬藤濃煎湯入少酒佐之隨手便欲睡睡覺已失之矣

兵部手集方

治乳硬欲結膿服此即消

用鹿角於籠石上磨取白汁塗之乾又塗不得近手并以入朔却黃水一日許即散或用鹿角剉為極細末酒調貳叁錢服亦効孕婦忌服

乳癰初發方

貝母為末每服貳錢溫酒調下即以兩身覆按於草上垂乳良久自通

時康祖為廣德宰事張王甚謹後授溫倅左乳生癰繼又胸臆間結核大如拳堅如石荏苒半載百療莫効已而牽掣臂腋徹于肩痛楚特甚亟禱王祠下夢聞語曰若要安但用薑自然汁製香附服之覺呼其子檢本草視之二物治證相符訪醫者亦云有理遂用香附去毛薑汁浸一宿為末貳錢米飲調方數服瘡膿流出腫硬漸消自是獲愈一婦人稟實性躁懷抱久鬱左乳內結一核按之微痛以連翹飲子二

十餘劑少退更以八珍加青皮香附桔梗貝母二十餘劑而消

滯乳食痰

張氏橘皮湯 治乳癰未結即散已結即潰極痛不可忍者神効因小兒吹乳變成斯疾者並皆治之

用陳皮湯浸去白麝香研酒調貳錢初發

覺赤腫疼痛一服見効

丹乳癰初發腫硬一服瘥用真樺皮為酒服方寸匕

睡醒已失出靈苑方

羅勝金丹 治婦人吹乳極有神効用百齒霜即木梳上

垢右一味不拘多少用無根水為丸如梧桐子大每

服參丸倒流水送下食後食病左乳者左卧右乳者

右卧於温處汗出愈用新汲水傾於房上接之乃倒流水也

圖經治婦人妳疼痛不可忍用穿山甲炙木通各壹兩

自然銅生用三味搗細末每服貳錢温酒調下無時

簡易獨聖散 治婦人吹妳

白丁香半兩搗羅為末每服壹錢七温酒調服無時

雲岐治婦人吹乳皂角散歌曰

婦人吹乳意如何皂角燒灰蛤粉和煖酒壹盃調

壹字頃間揉散咲呵呵

又方

又方

又方

又方

熱者清之

乳香研壹錢 瓜蒌根末壹兩 右研勻温酒調服貳錢

產後乳腫以大麥芽壹兩炒研煎湯飲之自消

丹楊孺人乳腫痛

青皮

石膏煨研

連翹

皂角刺炒

黃藥子

當歸頭

木通各壹錢

甘草生叁分

作一貼入好酒些少同煎飲之又有別藥洗腫處  
義二孺人平時乳內有結核不為痛忽乳邊又有一  
腫核却頗有些痛

黃芩

川芎

木通

陳皮各肆錢

人參壹錢

大腹皮叁錢

炙甘草

生甘草

當歸頭

芍藥各壹錢

右分二貼煎服

二孺人但經將行而乳腫先兩日發口乾而不渴食  
少減脉左弦帶數右却平治用四物湯加陳皮白朮  
茯苓帶熟下與點丸叁拾粒

一後生作勞風寒夜熱左乳痛有核如掌脉細澁而  
數此陰滯於陽也詢之已得酒遂以瓜蒌子石膏乾  
葛台芎白芷蜂房生薑同研入酒服之四貼而安  
一婦人內熱脇脹兩乳不時作痛口內不時辛辣若

胃部

小兒三

三

實者下之

卧而起急則臍下牽痛此帶肌為患用小柴胡加青皮黃連山梔二劑而瘥一婦人發熱作渴至夜尤甚兩乳忽腫肝脉洪數乃熱入血室也用加味小柴胡湯熱止腫消

雲岐連翹湯 治產後妬乳并癰

連翹 升麻 芒硝各壹兩

玄參 芍藥 白鯁

防已 射干各捌錢 大黃貳錢

甘草陸錢 杏仁肆拾枚 去皮尖

右收咀以水陸升煮貳升下大黃次芒硝分三服

陰虛

一儒者兩乳患腫服連翹飲反堅硬食少肉熱胸脇作痛日晡頭痛小便赤澁此足三陰虛而兼鬱怒前藥復損脾肺先用六君加芍歸柴胡山梔四十餘劑元氣復而自潰仍作痛惡寒此氣血虛也用十全大補湯六味丸而愈封君表陽涇左乳內結二核月餘赤腫此足三陰虛兼怒氣所致用八珍加柴梔丹皮四劑赤腫漸退內核漸消又用清肝解鬱湯而愈時當仲秋兩自連劄肝脉微弦此肝經火盛而風動也更加龍膽草伍分并六味地黃丸而愈若用清熱敗毒化痰行氣鮮不誤者一儒者兩脇作脹兩乳

胃

小

五



作痛服流氣飲瓜萋散半載後左脇下結一塊如瘰  
肉色不變勞則寒熱此鬱結氣傷而為患虛而未能  
潰也八物加柴胡遠志貝母桔梗月餘色赤作痛膿  
將成矣又服月餘針之出膿碗許頓然作嘔此胃氣  
虛而有痰也令時啗生薑服六君子湯嘔止加肉桂  
而瘡愈彼後出宰每傷勞怒胸乳仍痛并發寒熱用  
補中益氣加炒山梔愈 一婦人久鬱右乳內腫硬  
用八珍湯加遠志貝母柴胡青皮及隔蒜灸兼服神  
効瓜萋散兩月餘而消 一婦人左乳內腫如桃不  
痛不赤發熱漸瘦用八珍加香附遠志青皮柴胡百

餘劑又兼服神効瓜萋散三十餘劑膿潰而愈 一  
婦人因怒左乳作痛發熱表散太過腫熱益甚用益  
氣養榮湯數劑熱止膿成不從用針腫脹熱渴針膿  
大泄仍以前湯月餘始愈此證若膿未成未破有薄  
皮剝起者用代針之劑其膿自出不若及時用針不  
致大潰若膿血未盡輒用生肌反助其邪慎之 一  
婦人膿清腫硬面黃食少內熱晡熱自汗盜汗月經  
不行此肝脾氣血俱虛用十全大補加遠志貝母及  
補中益氣各三十餘劑外用葱熨患處諸證尋愈 一  
婦人膿成脹痛欲針之不從數日始針出敗膿三

四碗許虛證蜂起幾至危殆用大補兩月餘而安若  
元氣虛弱不作膿者用益氣養榮湯補之膿成即針  
若腫痛寒熱怠惰食少或至夜熱甚用補中益氣兼  
逍遙散補之為善 一婦年二十有五素虛弱多鬱  
怒時疫後脾胃愈虛飲食愈少又值氣忿右乳脇下  
紅腫應內作痛用炒麥麩熨之腫雖稍散內痛益甚  
轉側胸中如物懸墜遂與加減四物湯內腫如鷲卵  
外大如盤胸脇背心相引而痛夜熱勢甚時治者皆  
以攻毒為言薛云此病後脾弱而復怒傷肝治法惟  
主於健脾氣平肝火則腫自消而病自愈矣定方以

八物加陳皮黃芩柴胡山梔白芷服八劑病減六七  
去白芷加青皮木香桔梗又六劑而全愈若用攻毒  
之劑病胡能瘳

外治

葛稚川方 治婦人乳癰

人牙齒 燒存性

右為極細末以酥調塗貼癰上

敷乳方

天南星

生半夏

皂角針

燒帶性 各參分

白芷

草烏

直殭蠶

壹分 焙各

右細末多用葱白研取汁入蜜調敷若破瘡口作

醫部

外科

卷之三

膏藥貼

乳巖丹溪云一婦人年六十厚味鬱氣而形實多如夏無汗而性急忽左乳結一小核大如棋子不痛自覺神思不佳不知食味絕半月以人參湯調青皮甘草末入生薑汁細細呷一日夜五六次至五七日消矣此乃妳岩之始不早治隱至五年十年已後發不痛不痒必於乳下潰一竅如巖穴出膿又或五七年十年雖飲食如故洞見五內乃死惟不得於夫者有之婦以夫為天失於所夫乃能生此謂之巖者以其如穴之嵌呀空洞而外無所見故名巖患此者必經

久淹延惟此婦治之早正消患於未形餘者皆死凡十餘人又治一初嫁之婦只以青皮甘草與之安隆慶庚午予自秋闈歸則亡妹已病蓋自七月乳腫痛不散八月用火鍼取膿醫以十全大補湯與之外敷鐵箍散不効反加喘悶九月產一女潰勢益大而乳房爛盡延及脅腋膿水稠粘出膿幾六七升略無斂勢十一月始歸就醫改用解毒和平中劑外搽生肌散龍骨寒水石等劑膿出不止流濺所及即腫泡潰膿兩旁紫黑瘡口十數脅前腋下皆腫潰不可動側其勢可畏余謂產後毒氣乘虛而熾宜多服黃芪

解毒補血益氣生肌而醫不敢用十二月中旬後益甚瘡口甘餘諸藥盡試不効始改用予藥時膿穢粘滯煎楮葉豬蹄湯沃之頓爽乃治一方名黃芪托裏湯黃芪之甘溫以排膿益氣生肌為君甘草補胃氣解毒當歸身和血生血為臣升麻葛根漏蘆為足陽明本經藥及連翹防風皆散結踈經瓜蒌仁黍粘子解毒去腫皂角刺引至潰處白芷入陽明敗膿長肌又用川芎三分及肉桂炒葉為引用每劑入酒一盞煎送白玉霜丸踈膿解毒時膿水稠粘方盛未已不可遽用收澁之藥理宜追之以翠青錠子外搽明白

膿水頓稀痛定穢解始有向安之勢至辛未新正患處皆生新肉有紫腫處俱用葱熨法隨手消散但近腋足少陽分尚未斂乃加柴胡一錢青皮三分及倍川芎膿水將淨者即用搜膿散搽之元宵後遂全安萬曆癸卯二月時侍御趙蓋菴提學南畿托敝縣令致意約會于茅山予以館誼不容辭特往赴之則有病欲求治也袒其胸左乳側瘡口大如碗惡肉紫黯嶙峋嵌深宛如巖穴之狀臭不可近予問何從得此曰館試屢下意不能無鬱夏月好以手捋乳頭遂時時有汗出或曰是真液也不可泄因覆之以膏藥

月部 外才三  
汁止而乳旁有核既南來校閱勞神乳核輒腫痛一  
書吏頗知醫謂汁欲出而為膏藥所沮又不得歸經  
故滯為核聞婦人血上為乳汁今汁亦血類也宜飲  
芎歸酒行其滯血核自消矣吾以為然而飲之核如  
故而吐血衄血大作飲京口張醫藥吐衄止而腸風  
作張矜自功謂血從下出者順然體則重困矣復飲  
他醫藥便血亦止乳核之勢日益張遂至於潰二草  
澤醫能煉砒治痔漏私計此亦漏瘡也納藥其中痛  
欲死潰不可支故至此予意在法為不治而見其精  
神尚王飲噉自如無甚惡候尚可延引歲月為之定

方而別後校士廣陵不相聞問遂改用它醫藥至八  
月初以滯下發噎死夫男子患乳巖者少矣其起又  
甚微眇而三為盲醫所誤遂至此砒誠不可納也芎  
歸何罪乎不可不書之以為後鑒

痛公英草搗爛盒患處神妙 天南星末以溫酒調  
塗之 治婦人乳痛成癰以益母草為末水調塗乳  
上一宿自瘥生搗爛傅之亦得 婦人吹乳用桑樹

飯搗成膏貼之 乳頭裂破丁香末傅之

乳癰 乳中穴在乳下中針入四分 甲乳癰

寒熱短氣卧不安膺窓主之 乳癰溲素寒熱痛不

可按乳根主之

大驚乳痛深丘主之

乳癰有熱

三里主之

乳癰諸藥不能止痛者三里針入伍分立止

女子乳癰驚巨

虛下廉主之

千金云臂腫重足踏不收眼痛

乳癰太衝及復溜主

之 妬乳太淵主之

婦人乳餘疾育門主之

*[Faint bleed-through text from the reverse side of the page]*

